

## CIRCULAR INFORMATIVA SOBRE A CONSTITUCIÓN DOS CONSELLOS ESCOLARES 2024

De acordo coa lexislación vixente, en breve levaremos a cabo neste Centro Público, a renovación parcial do Consello Escolar. Dita renovación supón a elección de dous mestres e tres pais/nais, (un deles proposto polo ANPA) entre os candidatos presentados e un representante da administración e servicios..

De seguido resumimos as disposicións ó respecto, para que teñan coñecemento das mesmas á hora de exercer os seus dereitos legais.

### COMPOSICIÓN E FUNCIÓN DO CONSELLO ESCOLAR

#### A) COMPOSICIÓN:

- O Director/a do Centro, que será o Presidente.
- O Xefe/a de Estudos.
- O Concelleiro/a ou representante do Concello.
- Cinco profesores/as elexidos polo claustro.
- Cinco pais/nais de alumnos.
- Un representante do persoal de administración e servicios.
- O secretario/a do Centro que terá voz pero non voto.
- Unha vez constituído o consello escolar do centro, este designará unha persoa que impulse medidas educativas que fomenten a igualdade real e efectiva entre homes e mulleres.
- Un dos representantes dos pais no consello escolar será designado pola asociación de pais máis representativa do centro, de acordo co procedemento que establezan as administracións educativas.

#### **FUNCIÓNS:**

O consello escolar do centro terá as seguintes competencias:

- a) Aprobar e avaliar os proxectos e as normas a que se refire o capítulo II do título V da presente Lei. (proxecto educativo – normas de organización e funcionamento e programación xeral anual)
- b) Aprobar e avaliar a programación xeral anual do centro, sen prexuízo das competencias do claustro do profesorado, en relación coa planificación e organización docente.
- c) Coñecer as candidaturas á dirección e os proxectos de dirección presentados polos candidatos.
- d) Participar na selección do director do centro, nos termos que a presente lei orgánica establece. Ser informado do nomeamento e cesamento dos demais membros do equipo directivo. Se for o caso, logo de acordo dos seus membros, adoptado por maioría de dous terzos, propor a revogación do nomeamento do director.
- e) Decidir sobre a admisión do alumnado, con suxeición ao establecido nesta lei e disposicións que a desenvolvan.
- f) Impulsar a adopción e seguimento de medidas educativas que fomenten o recoñecemento e protección dos dereitos da infancia
- g) Proponer medidas e iniciativas que favorezan os estilos de vida saudábel, a convivencia no centro, a igualdade efectiva de mulleres e homes, a non discriminación, a prevención do acoso escolar e da violencia de xénero e a resolución pacífica de conflitos en todos os ámbitos da vida persoal, familiar e social.

h) Coñecer as condutas contrarias á convivencia e a aplicación das medidas educativas, de mediación e correctoras velando porque se axusten á normativa vixente. Cando as medidas correctoras adoptadas polo director ou directora correspondan a condutas do alumnado que prexudiquen gravemente a convivencia do centro, o Consello Escolar, por instancia dos pais, nais ou titores legais, ou, no seu caso, do alumnado, poderá revisar a decisión adoptada e propor, se for o caso, as medidas oportunas.

i) Promover progresivamente a conservación e renovación das instalacións e equipo escolar para a mellora da calidade e a sustentabilidade e aprobar a obtención de recursos complementarios, de acordo co establecido no artigo 122.3.

j) Fixar as directrices para a colaboración, con fins educativos e culturais, coas administracións locais, con outros centros, entidades e organismos.

k) Analizar e valorar o funcionamento xeral do centro, a evolución do rendemento escolar e os resultados das avaliacións internas e externas en que participe o centro.

l) Elaborar propostas e informes, por iniciativa propia ou por petición da Administración competente, sobre o funcionamento do centro e a mellora da calidade da xestión, así como sobre aqueles outros aspectos relacionados coa súa calidade.

m) Aprobar o proxecto de presuposto do centro

l) Calquera outra que lle sexa atribuída pola Administración educativa

Competencias do Consello Escolar. Normativa galega.

### **NORMAS XERAIS SOBRE AS ELECCIÓNS DOS PAIS DE ALUMNOS**

- Tódolos pais e nais son electores (poden votar), e todos son elixibles (poden ser elixidos), sempre que manifestaran previamente por escrito a súa candidatura.
- Todo o proceso electoral regularase polas disposicións legais vixentes e será dirixido pola Xunta Electoral do Centro, órgano formado pola directora do centro, un profesor, un pai/nai de alumno e un representante do persoal non docente. A Xunta Electoral é a encargada de organiza-lo proceso electoral, e os seus membros, agás no caso da directora foron elixidos por sorteo público o 25 de outubro ás 09'15 horas na sala de profesores do Centro.
- A Mesa Electoral presidirá as votacións e estará formada pola directora do Centro e catro pais/nais designados por sorteo público entre todos aqueles que non se presenten coma candidatos.
- Poderán asistir pais/nais de alumnos que actúen de supervisores, sempre que sexan propostos pola A.N.P.A. ou avalados por dez firmas de pais/nais.
- Para poder exercer-lo dereito ó voto é preciso estar no Censo Electoral, e identificarse co DNI ou documento equivalente.
- Poderase votar por correo, sempre que as cartas cheguen á Mesa Electoral antes de efectuar o escrutinio, e téñase garantido o segredo do voto e a identificación do elector de acordo coa lei vixente.
- Das datas restantes deste proceso electoral, iránselle mandando comunicación, no seu momento, a través dos seus fillos.

Apertura do periodo de presentación de candidaturas dos distintos sectores Do día 31/10/24 -14/11/24
--

